

(<https://news.usm.my>)

Berita Mutakhir

18 NOV

KONVENSYEN ISU-ISU ISLAM SEMASA BINCANG ANCAMAN RADIKALISME DAN EKSTREMISME TERHADAP KESELAMATAN NEGARA



SELANGOR, 18 November 2016 - Konvensyen Isu Isu Islam Semasa - Ancaman Radikalisme dan Ekstremisme Kepada Keselamatan Negara sedang berlangsung dari 18-20 November 2016 di Universiti Teknologi Mara Cawangan Selangor Kampus Puncak Alam.

Konvensyen tersebut mengumpulkan para pakar dalam bidang Radikalisme dan Ekstremisme untuk membincangkan serta membentangkan perkara berkaitan dengan keselamatan negara kepada pelajar-pelajar UiTM.

Antara pembentang yang terlibat adalah Timbalan Pengarah 1 Institut Wasatiyyah Malaysia Dr. Mohd Afandi Mat Rani dengan tajuk Pengukuhan Akidah Ahli Sunnah Wal Jamaah Melalui Pendekatan Wasatiyyah; Felo Utama Institut Kajian Strategik Islam Malaysia (IKSIM) Tuan Haji A.Karim Omar dengan tajuk Percaturan Geo Politik Dunia dan Kesannya Terhadap Masa Depan Umat Islam; Dekan Fakulti Tamadun Islam Universiti Teknologi Malaysia Prof. Madya Dr. Arieff Salleh Rosman dengan tajuk Jihad dan Keperluannya Pada Masa Kini dari Perspektif Fiqh Kontemporari dan Ketua Penolong Pengarah Bahagian Counter Terrorism Cawangan Khas PDRM Bukit Aman YDH SAC Dato' Ayub Khan Mydin Pitchay dengan tajuk Terrorism, Radikalisme & Ekstremisme: Ancaman dan Bahaya Kepada Masyarakat Malaysia.



Terdahulu hari ini berlangsung temuramah khas berkaitan konvensyen ini dengan Pengerusi Jawatankuasa Hal Ehwal Islam (JAHEIS) Dato' Prof. Dr. Muhammad Idris Saleh yang juga merupakan Pengarah Pusat Islam Universiti Sains Malaysia di TV9 untuk siri Nasi Lemak Kopi O.

Teks: Hafiz Meah Ghouse Meah



Share This

Pusat Media dan Perhubungan Awam / Media and Public Relations Centre

Level 1, Building E42, Chancellory II, Universiti Sains Malaysia, 11800 USM, Pulau Pinang Malaysia

Tel : +604-653 3888 | Fax : +604-658 9666 | Email : pro@usm.my (<mailto:pro@usm.my>).

Laman Web Rasmi / Official Website : [Universiti Sains Malaysia \(http://www.usm.my\)](http://www.usm.my).

[Client Feedback / Comments \(http://web.usm.my/smbp/maklumbalas.asp\)](http://web.usm.my/smbp/maklumbalas.asp) | USM News Portal. Hakcipta Terpelihara USM 2015